

# Kontuola

ANTZUOLA / Egubakoitza / 2003eko azaroaren 7a / 177. zenbakia

KOORDINATZAILEA: Eneida Iturbe • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02


## Herrirako beheko sarrera hobetzeko dirurik ez dagoela dio Diputazioak

ENEIDA ITURBE

Beheko auzoko herrirako sarrera aldatzeko proiektua orain ezin dela aurrera eraman dio Diputazioak, horretarako dirurik ez dago-eta. Arriskua dela eta, Udalak behar-beharrezkotzat jotzen du lan hori, eta presioa egingo du lehenbailehen martxan jar dadin.

Aurreko astean jaso zuen Udalak Beheko auzoko herrirako sarreraren obrak egiteko eskaeraren erantzuna. Gipuzkoako Diputazioak ezezkoa eman du, diru nahikoa ez dagoela argudiatuta. Urte batzuk itxaron beharko dira, hortaz, aldaketa egiteko. Baina Udala ez dago batere ados erabaki horrekin, herrirako sarrera orain dagoen bezala oso arriskutsua dela uste du-eta.

Aldaketa egiteko proiektua aspaldi dute prestatuta Diputazioako garraio arduradunek. Obrak egiten direnean, Bergara aldetik datozen autoek herrira sartzeko bi errei gurutzatu beharrean bakarrik gurutzatu beharko dute. Gaur egun eskuinekoa den bidea herrira doazenez itxaroteko erabiliko da; gora jarraitzeko bidea, berriz, Lapatza base-



Beheko auzoko herrirako sarrera arriskutsua da, eta Udalak obrak egin nahi ditu lehenbailehen.

rriari lur zati bat kenduta erakiko da. Hala, arriskua txikitu egingo da; izan ere, hobeto ikusiko dira goitik datozen autoak eta bide bakarra gurutzatu beharko da. Baina, oraingoz, lehen bezala jarraituko du bideak.

### HERRI BARRUA ITXITA

Azkenaldian plazatik gora joateko kanpoko bidea erabili beharra dago eta horrek zirkulazioa gehitu du kanpoaldean, arriskuak ere gora egingez. Hala, "egunero izaten du sustoren bat norbaitek",

Jose Angel Zabalo alkateak azaldu digunez.

Beheko auzoko sarrerako obrak Egurribaiako baina beharrezkoago ikusten ditu Udalak, baina Diputazioak haiei eman die lehentasuna.

### ELKARTASUNA

## Kongora laguntza bidaltzeko kanpaina

ENEIDA ITURBE

Anelkar Antzuolako elkartasun taldeak bost urte beteko ditu azaroan. Urtemuga hori, orain arte bezala, behartsuei laguntzen ospatzea iruditu zaie egokien Anelkarrekoiei. Hala, martxan dute kanpaina berria: hilabete honetan hainbat ekintza antolatuko dituzte Kongorako dirua biltzeko helburuarekin.

18 euroekin hemen ez dago gauza askorik egiterik, baina Kongoko Kanzenia lurraldean

ume bat urte osorako eskolara daiteke. Anelkarrek ahalik eta neska-mutiko gehienei ikasteko aukera eskaini nahi die. Horretarako antzuolarron laguntza beharrezkoa da.

Hurrengo zapatuan, hilak 15, babarrun-jana egingo du Anelkarrek eta nahi duena joan daiteke. 20 euro ordaindu beharko dira eta txartelak liburu dendan eros daitezke. Bestalde, Antzuolako zenbait dendatan kaxak jarriko dira herritarrek Kongorako dirua uzteko.



Azaro amaieran Kongoren gaineko argazki erakusketa antolatuko du Anelkarrek.

### LABUR

#### Umeentzako antzerkia, bihar, zapatua

Antzerki berezia ikusteko aukera izango dute herriko umeek bihar, zapatua, arratsaldeko 18:30ean Orlanen. Irrintzi taldearen antzezlanaren izenburua *Zapatariak eta prakagorriak* da eta Grimm anaien ipuin baten oinarrituta dago.

Zapatari xume batek erregeari oinetakoak egiteko agindua jasoko du. Urduri jarriko da, ardura handia da-eta horrelako lan bat egitea. Baina espero ez zuen laguntza jasoko du, lagun bitxi batzuk gauzez bisita egingo diote-eta.

Zenbaiti ezaguna egingo zaio istorio hori; eta ulertzekoa da, Grimm anaien ipuin klasiko bat da-eta. Hala ere, Irrintzi taldeak era berezian antzeztuko du lana: argi eta itzalekin jolas egingo dute eta, hala, giro berezia sortu umeen gozamenarako.

#### Eliza garbitzen duten emakumeek afaria izan zuten

Pasa den asteko astelehenean Porresko Martin Deuna garbitzaileen zaindariaren eguna izan zen. Antzuolako eliza garbitzen aritzen diren emakumeek urteak daramatzate egun hori ospatzen, eta hala egin dute orainoan ere.

Astelehen iluntzean 28 lagun elkartu eta afaria egin zuten Larrea tabernan. Egun eliza garbitzen dutenak eta orain artean lan horretan aritu direnak zeuden afarira gonbidatuta eta iluntze atsegina igaro zuten guztiek elkarrekin.

Antzuolan eliza garbitzeaz herriko emakumeak arduratzen dira. Betidanik izan da horrela. Borondatez egiten dute lan hori, ezer kobratu gabe. Auzoka antolatzen dira eta, hala, auzoak txandatu joaten dira. Hamabostean behin emakume taldea joaten da elizara eta hura txukun edukitzeaz arduratu.

## ELKARRIZKETA

ITZIAR BARTOLOME/HEZITZAILEA

# “Jostailuak umeari eskainiko diona begiratu behar da jostailuak aukeratzean”

ENEIDA ITURBE

**J**ostailuak izango dira protagonista hurrengo astean herri ikastetxean. Txatxilipurdikoez umeendako tailerrak eta gurasoendako hitzaldia egingo dituzte. Azken hau Itziar Bartolomek egingo du eguaztenez, 18:30ean, eskolan.

**Hitzaldiaren izenburua Nola aukeratu jostailu egokia? da. Zer begiratu behar zaio aukeraketa hori egiteko?**

Umearen adinari eta ezaugarri begiratu behar zaie batez ere jostailua aukeratzekoan.

**Jostailu onak eta txarrak daude?**

Guk ez dugu epaitzen. Hori umearen eta hark ematen dion erabileraren arabera izaten da. Hala ere, badira batzuk txarrak direnak umei ez dietelako balio aldetik ezer eskaintzen. **Umei ordenagailua ez zaie gehiegi gustatzen?**

Horrelako jolasak izarrak izan dira azken bost urteotan. *Engan-*



GORKA MORRAS

“Gurasoei gomendatzen diegu umearekin jostailuez berba egitea eta jolastea”

txatu egiten dute, baina umeari berez ateratzen zaionez jolas egitea, edozein jostailurekin gozatu du.

**Gurasoak arduratzen dira jostailu egokiak erosteaz?**

Neure zalantzak ditut. Egund, gehiegi pentsatu gabe erosten dira. Umeari ekarriko diona begiratu beharrean beste irizpide batzuk jarraitzen dira aukeraketa egitean. Gurasoei gomendatzen diegu denborarekin hartzeko eta umearekin jostailuez berba egitea. Oso garrantzitsua da gurasoek umearen jolasean parte hartzea, umea asko motibatu du eta.

## ERRETIRATUAK

## Erretiratuek irteera izango dute eguenean

ENEIDA ITURBE

Zenbait irteera izan dituzte urtean barrena herriko erretiratuek. Azkena datorren eguenean (hilak 13) izango da eta, Ezkioko Igarubeiti baserria eta Ormaiztegiako Zumalakarregi Museoa ikusi ondoren, Legazpiko erretiratuen egoitzan merienda egingo dute.

Irteera arratsalde partean izango da. Antzuolan 14:30ean irten eta Ezkiora joango dira erretiratuak. Han Igarubeiti baserria

ikusiko dute. XVI. mendekoa da eta orduko baserri bizitza eza gutzeko aparteko aukera eskaintzen du. Ormaiztegiako Zumalakarregi Museoa gure historia pertsonaia horren jantziak, armak eta tresnak ikusteko aukera izango dute erretiratuek.

## TXARTELAK SALGAI GAUR ETA BIHAR

Irteerara joan nahi duten erretiratuek txartelak gaur, egubakioz, eta bihar, zapatua, erosi beharko dituzte zortzi eurotan.

## KIROLA

## Pilota izan zen pasa den asteburuko protagonista

Pasa den asteburuan futbolak ez zien emaitza onik eskañi antzuolarrei eta, pilota izan zen protagonista. Josu Agirre eta Xabier Biterik 22-12 irabazi zieten Aretxabaletako aurkariei. Hala, bikotea orain arteko partidu guztietan atera da garaile.

Herriko pilota txapelketa hasi zen aurreko asteburuan eta orain zapaturu izango dira partiduak. Gogotsu eutsi diote partideek txapelketa horri, urtean barrena ez bezala, pilotan lehiazteko aukera dute eta orain.

## PARTIDUAK

## FUTBOLA

Azaroak 8  
12:00: Antzuola-Eibartarrak B (kadet.)  
16:00: Antzuola-Ikasberri (Gazteak)

## PILOTA

Urriak 11 (Gipuzkoako Txapelketa)  
17:00: Olalde-Mundarriz (Kadeteak)

## EMAITZAK

## FUTBOLA

Ikasberri 3 Antzuola 0 (2. erreg.)  
Antzuola 0 Arrasate 5 (Gazteak)  
Antzuola 0 Arrasate 6 (Kadeteak)  
Antzuola 0 Zumaia 4 (Neskak)

## PILOTA

Gipuzkoako Txapelketa  
Aretxabaleta 2-Olalde (eskuz nag.) 12-22  
Olalde-Ikaskirola (eskuz kad.) 17-22  
Altzaparra 2-Olalde (paletaz nag.) 34-35

JESUS KORTABARRIA  
“KAXETA”

LARREA

TABERNA

Kalebarren 17  
ANTZUOLA

ANTZUOLA

Apainketak eta  
isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40

Tomas Gezalaza

Zoruen kutxilatatu  
eta  
barnizaketa

Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA

GAILUR

taberna eta  
gozotegia

Buztinzuri 13 ANTZUOLA  
Tf. 943 78 70 32

Tomas Gezalaza

Apainketarako eta  
industriarako pinturak

Paper margotuak

Moketak eta tapizatuak

Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA